



picoi e grandi, se lavorava tuti insieme

*Ti me ga fato vegnér i oci lucidi, tesoro mio... mi no gavevo ea stala co e tre vache, ma la gaveva le amichete visin casa mia, dove 'ndavo a conprarghe el late pena monto, col pentoin.. e semo ancora qua a contarsea... anca se el late no jera pastorizà... te meto nel me blog; so che no te despiazarà.. La Tua ze poesia pura <3*

SUSY CAROLLO

Nostalgia...

Co fazeo le elementari rivavo casa da scoea e travo la cartea fata de carton perchè, no esendo pi de moda e cartee in corame che doparava i tre me fradej pi veci mi jero na privilegià e gaveo la cartea de carton, la travo in tel divano de ecopellett che ghe jera in tineo, el tineo jera na stanza de tre par tre, rento ghe jera na tola, sie careghe na credensa e sto divan de un coeore indefinibje e esendo fato de ecopellett se te ghe navi visin co un fulminante ardia tuto, casa, staea co rento tre vachete e un cavaeo abitasion de me noni e anca de me zii, ma mi jero contenta, magnavo cuel che catavo e dopo fora, in mezo ai me canpi fin che no vegnea sera, e dopo fora 'ncora fin che no vegnea note a zugar a ciapascundi, a scaloto, a tri cantuni, co l'elastego, finchè a un serto punto visin a la stala gavejno na sorta de magazin e li ghe jera la guzeti vecia de me nono smontà, casso, el serbatojo coa leveta da verzar do che nava fora la benza, colpo de genio, verzo un bar.....



Ciapo in pieno el serbatojo de acua e faso e prove coa leveta, vien fora l'acua, fata, a so un genio, me godeo un mondo, podeo star ore e ore rento in magazin co ragni grandi come culunbi e no me acorzeo, la spusa che vegnea fora da chel serbatojo la jera indescrivibje, ma me jero tirà sù na bea clientea tuti i boce dea me contrà voea vignar, i pagava coj sasi e co jera sera na meza masiereta la gaveo fata su, logicamente no i bevea i faxea finta anca parchè gavaria fato pi morti mi che na atomica e probabilmente saria ncora drio scontar l'ergastoeo, eco, deso che so granda rivo casa e trò la borsa in tel divan, go da pensar a cosa far da magnar, a far lavatrici, a stendar, a tirar su, a stirar, a netare, andar in posta, in banca, dal comercialista, dal dentista, dal dottor, in farmacia e fare a speza, eco, mi no voria nare in crocera, gnanca ae terme, mi voria tornar indrio pa un mese coa spensieratesa de na putea nata in mezo ai canpi che nava tor su i uvi in tel punaro e ghe dava da magnar aj conejeti, cuej jera bej tenpi, el brutto zè che i putej al dì de ancò ste robe cuà no i podarà mai vivarle, e zè un pecà.....



**Se l'articolo ti è piaciuto condividilo su:**

- [Facebook](#)
- [Twitter](#)
- [Pinterest](#)
- [LinkedIn](#)
- [E-mail](#)
- [Stampa](#)
- [WhatsApp](#)
- [Telegram](#)